



**GRUPACIJA ŠPEDITERA-LOGISTIČARA
PRI UDRUŽENJU POSLODAVACA FBiH**

**Mula Mustafe Bašeskije 12/3
BiH – 71000 SARAJEVO**

Sarajevo, 01.02.2013.godine

ZAPISNIK

Sa sastanka Grupacije špeditera - logističara pri Udruženju poslodavaca FbiH održanog dana 01.02.2013.godine od 13,00 sati u prostorijama ASA Holding dd Sarajevo.

Prisutni: predsjednik UO Grupacije Fadila Poplata, članovi Upravnog odbora Grupacije, ostale članice Grupacije i gosti: Udruženje poslodavaca FBiH, direktor Mladen Pandurević i sekretar Mersiha Jusić, špediterska društva sa područja Bosne i Hercegovine (spisak u prilogu).

Gospođa Poplata pozdravlja prisutne i otvara sastanak, predstavlja prisutne goste i dnevni red.

DNEVNI RED

1. Naredba o nadležnosti carinskih ispostava za carinjenje određenih roba azijskog i afričkog porijekla;
2. Informacija o akutnim problemima u radu pediterskih I vanjskotrgovinskih firmi
 - a) korištenje carinskih garancija u carinskom postupku,
 - b) radno vrijeme na carinskim ispostavama
 - c) implamentacija naredbi UINO BiH na nižim nivoima
3. Razno

Gđa Poplata informiše prisutne da su na ovaj sastanak bili pozvani i potvrdili su prisustvovati predstavnici UINO BiH, Direktor gosp.Miro Džakula i Pomoćnik direktora za sektor za carine gosp.Zdravko Cvjetinović, ali su dan prije sastanka poslali pismeno otkazivanje prisustva sastanku, sa prijedlogom novog termina sastanka, koji se treba održati u Banja Luci. U obavještenju iz UINO BiH također stoji, da nova Naredba o nadležnosti carinskih ispostava neće biti tema na narednom sastanku (dopis u prilogu).

Gosp. Pandurević preporučuje da se dopis o otkazivanju prisustva dalje ne komentariše, nego da se svi prisutni skoncentrišu na dogovor o narednim koracima koje treba poduzeti, uz obavezno traženje odgovora od UINO BiH na pitanje šta je razlog ovakvog postupanja.

Gđa Poplata informiše da je za današnji sastanak UO Grupacija špeditera-logističara pripremila prezentacije vezane za prijedloge rješavanja problema izazvanih naredbama UINO BiH u pogledu nadležnosti carinskih ispostava, korištenje carinskih garancija i radno vrijeme. Obzirom da je Naredba o nadležnosti carinskih ispostava trenutno gorući problem, akcenat će se dati na prezentacije i diskusiju o ovoj temi.

Probleme i prijedloge rješavanja na temu nadležnosti carinskih ispostava za carinjenje određenih roba azijskog i afričkog porijekla prezentirali su gosp. Demir Senad i gosp.Jonuz Almir. Prezentirani materijal je prilog ovom zapisniku.

Nakon njihovih prezentacija, uslijedilo je obraćanje predstavnika još nekoliko špediterskih firmi Ida Šped, Transagent, BH Gold Šped, Lagermax, Centar, Remšped, Otrantšped, koji iznose svoja iskustva i prijedloge načina na koji bi se moglo postići povlačenje ograničenja nastalih najnovijom naredbom o nadležnostima CI.

Jedan od špeditera je prdložio i da špediteri obustave prijavljivanje robe i na taj način skrenu pažnju na rješavanje problema, međutim većina špeditera se ne slaže sa ovim prijedlogom, jer to opet najviše nanosi štetu njima samima. Većina špeditera, koja se obratila prisutnima predlaže i slaže se sa korištenjem zakonskih instrumenata i institucija.

Gosp.Pandurević uključuje se u diskusiju i predlaže organizovanu pravnu borbu i paralelno obraćanje Vijeću ministara BiH, Ministarstvu vanjske trgovine i ekonomskih odnosa BiH, Parlamentima oba entiteta, ambasadama i njihovim privrednim odjeljenima, jer je dosta inostranih firmi na čije se poslovanje negativno odražavaju ograničenja implementirana

naredbom. U sve treba odmah uključiti medije i organizovati najprije konferenciju za štampu, pa potom i emisije na temu problema sa kojima se susreću uvoznici, zbog aktuelne carinske politike u našoj državi.

Naravno nastaviti i održati uspostavljeni dijalog sa direktorom UINO BiH, prihvatiti termin sastanka koji je dao u Banja Luci, ne pristajati na to da UINO BiH dalje ne želi razgovarati na temu nadležnosti carinskih ispostava. U tom smislu treba poslati dopis Direktor UINO BIH da prihvatamo termin sastanka u Banja Luci.

Direktoru UINO BiH mora se poslati dopis sa konkretnim zahtjevima, koji predhodno treba da potpiše što veći broj špediterskih firmi, a UPFBiH će obezbjediti potpise inostranih kompanija kao što su Coca Cola, Arcelor Mittal i dr. UO Grupacije špeditera-logističara treba da bude u stalnom zasijedanju i da u rad uključi još 2-3 predstavnika iz špediterskih firmi sa drugih CI npr. Tešanj, kako bi dogovarali naredne neophodne korake.

Naravno sve ove aktivnosti će ići posredovanjem UPFBiH, a gosp. Pandurević izražava punu spremnost Udruženja poslodavaca FBiH da podrži sve aktivnosti koje špediteri odogovore, kao i to da se stavlja na raspolaganje za dogovaranje sastanaka sa svim predstavnicima naprijed navedenih institucija, od UINO BiH, Ministarstava i da posreduje gdje to bude potrebno. Preporučuje sastanke sa gosp. Šarovićem, gosp. Krajinom i gđom Hafizović.

Podnošenje tužbe je također opcija, ali to i blokiranje rada na CI predlaže da budu krajnje mjere.

Gđa Poplata informiše prisutne o anonimnom dopisu, koji je primila Grupacija špeditera-logističara, a koja sadržava podatke o carinjenjima uključujući vrste roba, brojeve carinskih deklaracija i cijene vršenja usluge, koje pokazuju na nepravilnosti i prekršaje. Grupacija se namjerava ovim podacima obratiti istražnim nadležnim organima.

Gosp. Jonuz Almir informisao je prisutne da će odmah obavijestiti Trgovinski odjel Austrijske ambasade o problemima vezanim za ograničavanje nadležnosti carinskih ispostava.

Na kraju sastanka, zainteresovanim špediterskim firmama, omogućeno je potpisivanje pristupnica u članstvo UPFBiH, time u Grupaciju špeditera-logističara.

ZAKLJUČAK:

- U ponedjeljak 04.02.2013.g. Grupacija špeditera-logističara treba da sastavi protokol djelovanja, koji će definisati sve korake u pravcu rješavanja problema. Aktivnosti koje će se poduzeti uključuju:
- određivanje delegacije i pismeno obraćanje UINO BiH uz prihvatanje sastanka sa direktorom UINO BiH u Banja Luci;
 - sastavljanje liste zahtjeva, usaglašavanje i potpisivanje od strane što većeg broja špediterskih i vanjskotrgovinskih firmi, konačnu listu dostaviti UINO BiH;
 - Formulacija, način i rokovi obraćanja medijima, Vijeću ministara, Ministarstvima, Parlamentima, ambasadama...organizovanje sastanaka sa nadležnim ministrima.

Sve aktivnosti koorinirati sa Udruženjem poslodavaca FBiH i ostalim špediterskim firmama.

Za provođenje se zadužuje gđa Poplata.

Sastanak je završen u 14,30 sati.

ZAPISNIČAR

Dženana Gorančić



Predsjednik Upravnog odbora
Grupacije špeditera-logističara

Fadila Poplata

